



# KVEN GÅR STATEN OG MONOPOLA SITT ÆREND?

I synet på Samskipnaden og den økonomiske politikken til Staten finn vi eit de to linene som alltid har prega studentpolitikken: Ei line som krev kamp mot staten og monopolkapitalen, og ei line som vik unna for staten og preikar varsemd. Å vinne fram i kampen vil ikkje minst bli eit spørsmål om brot med denne siste lina, den lina staten for all del ønskjer vi skal følgje.

## DKSF og AUF

Det eine hovudargumentet vi møter er at «vi alle har eit ansvar» og at studentane må syne ansvaret sitt som «arbeidsgjevarar». DKSF skriv i MiniMinerva.

»Studentane bør vera budd på offer for at dei lågtlønna mellom dei tilsette skal få rimeleg løn.»

Sjølvsagt stor vi krava frå dei sjølv. Men DKSF påstår altså at det er studentane som kan sikte dette, medan studentane som ein veit korkje har inntekter eller makt til å gjere det. Ein kan jo berre sjå på det faktiske tilhøvet at omsetninga berre går ned når prisane blir sette opp. Slikt kan ikkje sikre noko som helst. Det er kvalmande å sjå korleis ein organisasjon som sjølv stammar frå og er knytt til kapitalistklassen, kan stå fram å krevje at studentfleirtalet skal «ofre seg». Dette studentfleirtalet er sjølv økonomisk utbytta. Når DKSF rettar krav til det, tyder det at dei vil at både studentar og arbeidarar skal få svi, medan staten utan vidare går

fri. DKSF står ope i teneste hos staten og monopolkapitalen og prøver rette merksamda bort fra dei og over på studentane.

Likeeins med AUF. Desse reaksjonære Bjartmar-allierte er ikkje opptekne av anna enn å tøre ut den rotne utdanningspolitikken til DNA-regjeringa. Såleis skal dei syne at dei er verdige til å få feite bein i den borgarlege staten etter studie tida. Dei er difor ikkje særleg ivrige etter å trekkje denne staten til ansvar heller.

Studentane kan berre vente seg fiendskap frå slike borgarar.

## Grønt Gras

Grønt Gras har og synt oss kven dei vil solidarisere seg med i denne saka: Ingen ringare enn staten og monopolkapitalen, (som dei visstnok skal vere imot, enda om dei knapt nokon gong tør gje dei deira rette nemningar). Men å gå mot husleigestreik, det er det same som å krevje at studentane skal punge ut

for at staten plyndrar Samskipnaden gjennom rentar og avgifter. Og det staten tener, blir det visseleg lite »jamvektssamfunn» ut av! Det »radikale» Grønt Gras vil altså slett ikkje slåss mot den reaksjonære staten. Enda staten her nyt godt av heilt andre »privilegium» enn studentane nokon gong vil gjere. Praksis kan seie meir enn tusen vakre ord.

### SV – ned på rett side?

Det har kome betre tonar frå SV i det siste, etter at fleire og fleire har slutta opp om kampen mot utsveltingspolitikken, m.a. gjennom husleigestreiken. SV arar reysta til dømes mot husleigestreik på Kring-sjø, men no kjem andre SV arar i DNS og seier at SV »inntil vidare» står dei som streikar, t.o.m. på deira eigne vilkår. Dette er positive saker.

Problemet vil no vere å få SV til å yte konsekvent støtte. Da held det ikkje når SV seier dei ikkje kan arbeide for støtte til streiken i Studenttinget, enda om de kan det frå talarstolen i DNS! Dei har heller ikkje gjort det grann for å kjempe mot at Samskipnaden går vidare fram på konkursferda, og dei har godteke budsjettet med prisauker. Eit ferskt nummer av *Underveis* (SV-avisa med 1 nr. i året) har ikkje eitt ord om saka, og *Universitas* er nesten på line med *Minerva*: null kamp og mykje skral.

### »Det nyttar ikkje å kjempe»

Dette er det andre hovudargumentet ein møter, eit årvisst omkvede i den borgarlege kapitulasjonsvisa. DKSF og AUF har alltid meint at studentane skal leggje all sin vilje om ikkje i hendene på monarken, så hjå dei ansvarlege organa som staten og partia (Høgre og DNA). Det gjeld å lite på dei, så skal nok prisauker bli kompensert

gjennom lån og stipend ... Men fleire dr med økonomisk forverring syner klart at vi aldri har vunne noko på å lite på staten. Dei årlege krisebudsjetta i Samskipnaden har vore verket til DKSF og AUF. Og dei har røyndeg gjort vordt verre! Likevel har SV gått god for demagogien og vågar ikkje ta opp kampen. Likevel driv dei og lappar saman kriseprodukta i von om at dette vil hjelpe. Men kriser i kapitalismen kan ikkje lappast saman med »soffer» frå dei som blir utbytta. For Kommunistar er det store problemet at krisa råkar studentar og tilsette. Vi må difor føre ein kamp mot at krisa fell på oss, ein kamp for å velte ho over på staten og monopolkapitalen. Dette er ikkje ein kamp for å bære på krisa, slik SV ser ut til å tru. Det er ein defensiv kamp for å vere levekåra varte mot krisa. Difor er kamp alltid naudsynt, det er det einaste vi kan ty til.

Det er rett at det ikkje nyttar å kjempe for at Samskipnaden kan bli ein krisefri »velferdsorganisasjon» når den driv som no. Og det lyt ein heller ikkje drøyme om, SV! Men like så klart er det at det nyttar å kjempe for at krisa skal falle på staten, dvs. gjennom løyvingar til drifta. Og her kan vi ikkje gå ut frå kva vi trur staten »vil gje» eller ikkje gje». Arbeidarar kan heller ikkje ta omsyn til kva verksemda deira »vil gje» når dei stiller krav. Utgangspunktet må vere kva studentar og tilsette har behov for og ikkje noko anna.

DKSF har avslørt at det dei bryr seg om, er kven som skal vedta forverring og kor stor ho skal bli. Det er berre borgarar som kan bruke tida si til å regulere og administrere krisa for stat og monopolkapital, medan massane krev aksjonar.

Dette lyt og SV bite merke i.